

16

7. febr.

AUGLÝSING

um fyrirmynd að reglugerð fyrir nefndir til úthlutunar bóta
samkvæmt lögum um atvinnuleysistryggingar.

Samkvæmt 14. gr. laga nr. 29 7. apríl 1956, um atvinnuleysistryggingar, hefur ráðuneytið samþykkt fyrirmynd að reglugerð fyrir nefndir til úthlutunar bóta samkvæmt lögum um atvinnuleysistryggingar, sem Tryggingastofnun ríkisins hefur látið gera og er prentuð hér sem fylgiskjal.

Félagsmálaráðuneytið, 7. febrúar 1957.

F. h. r.

Hjálmar Vilhjálmsson.

Gunnlaugur Þórðarson.

Fylgiskjal.

REGLUGERÐ

fyrir nefnd til úthlutunar bóta samkvæmt lögum
um atvinnuleysistryggingar.

1. gr.

Nefndina skipa fimm menn, þrír tilnefndir af
.....
einn af Vinnuveitendasambandi Íslands og einn af Vinnumálasambandi samvinnu-
félaganna. Sömu aðilar tilnefna jafnmarga varamenn, er taka sæti í nefndinni í for-
föllum aðalmanna. Kjörtími nefndarmanna er ár í senn og skal þá tilnefna
aðalmenn og varamenn að nýju. Nefndin skal kjósa sér formann og ritara. Aðsetur
nefndarinnar er
og fer þar fram afgreiðsla á málum, sem hún hefur með höndum, á tímum, sem
auglýstir verða í samráði við stjórn atvinnuleysistryggingasjóðs. Nefndin skal halda
gerðabók um starf sitt og í hana skulu allar ákvarðanir skráðar.

2. gr.

Hlutverk nefndarinnar er að úthluta bótafé samkvæmt lögum um atvinnuleysis-
tryggingar til meðlima í

3. gr.

Stjórn atvinnuleysistryggingasjóðs ákveður þóknun nefndarmanna og úrskurðar
reikninga um kostnað við nefndarstörf.

Kostnaður greiðist úr sérreikningi félagsins við atvinnuleysistryggingasjóðinn.

Kostnaður greiðist úr sérreikningum ofangreindra verkalýðsfélaga við atvinnu-
leysistryggingasjóðinn og skiptist
.....

4. gr.

Ef ekki næst í nefndinni einróma samkomulag varðandi úrskurði um bóta-
greiðslur, getur hver einstakur nefndarmaður áfrýjað til stjórnar atvinnuleysis-

tryggingasjóðs og er úrskurður hennar í málinu endanlegur. Sá, er sækir um bæt看, 16
getur jafnan áfrýjað úrskurði nefndarinnar til sjóðsstjórnar.

7. febr.

Nefndarmaður, sem áfrýja vill úrskurði, skal innan 14 daga frá uppkvaðningu hans hafa sent stjórn atvinnuleysistryggingasjóðs áfrýjun skriflega, en umsækjandi um bæt看 innan 14 daga frá því honum var kunngerður úrskurðurinn. Skal í áfrýjunarskjali greina ástæður til áfrýjunar, en í því sambandi er nefndarmanni heimilt að vísa til ágreiningsatkvæðis, sem hann hefur ritað á bótaumsókn.

5. gr.

Sá, er sækir um bæt看, skal afhenda nefndinni umsókn í tvíriti, ritaða á eyðublað, sem stjórn atvinnuleysistryggingasjóðs lætur gera. Skylt er umsækjanda að svara öllum spurningum og gefa allar upplýsingar, sem nauðsynlegar eru til þess að unnt sé að úrskurða bæt看.

6. gr.

Rétt til bóta hafa þeir fullgildir meðlimir í
..... á aldrinum 16—67 ára, sem:

- a. hafa á síðustu 12 mánuðum stundað a. m. k. samtals í 6 mánuði vinnu, sem goldin er samkvæmt kjarasamningi eða kauptaxta verkalýðsfélags. Bótaréttur glatast ekki þó að hlutaðeigandi vinni um tíma önnur hliðstæð störf, t. d. kaupavinnu;
 - b. sanna með vottorði vinnumiðlunar, samkvæmt lögum um vinnumiðlun, að þeir hafi á síðastliðnum sex mánuðum verið atvinnulausir virka daga, þar af daga á síðustu dögum. Í þessu sambandi teljast ekki með þeir dagar, sem hlutaðeigandi hefur átt í verkfalli eða verkbanni, sbr. 7. gr. a-lið, eða notið atvinnuleysisbóta.
- Þeir, sem orðnir eru 67 ára, en njóta ekki ellilífeyris, eiga rétt til atvinnuleysisbóta.

7. gr.

Bæt看 greiðast ekki þeim sem:

- a. taka þátt í verkfalli eða berkbann nær til;
- b. njóta slysa-, sjúkra- eða örorkubóta samkvæmt almannatryggingalögum;
- c. misst hafa vinnu af ástæðum, sem þeir eiga sjálfir sök á, svo sem drykkju-skaparóreglu;
- d. sviptir eru frelsi sínu að opinberra tilhlutan;
- e. ófærir eru til vinnu eða neita vinnu, sem þeim býðst að tilhlutan vinnumiðlunar-skrifstofu, samkvæmt lögum um vinnumiðlun, eða á annan hátt, svo sannað sé, þó því aðeins að ekki hvíli verkfall eða verkban á vinnunni og kaupgjald og vinnutími sé í samræmi við taxta eða kjarasamninga hlutaðeigandi verkalýðsfélaga. Nefndin metur, hvort annað það vanhæfi sé á vinnunni, að umsækjanda sé rétt að neita henni. Bótaréttur glatast þó eigi, þótt hafnað sé vinnu í öðru byggðarlagi eða í annarri starfsgrein fyrr en hlutaðeigandi hefur notið bóta í 4 vikur;
- f. hafa á síðustu 6 mánuðum haft tekjur, sem fara fram úr 75% af meðalárstekjum almennra verkamanna eða verkakvenna, ef um konu er að ræða, á í næstliðið ár. Þó skal ekki miða við hærri tekjur en 300 daga dagvinnukaup verkamanns eða verkakonu í Reykjavík;
- g. dvelja erlendis.

16

7. febr.

8. gr.

Sá, sem öðlast rétt til bóta samkvæmt 6. gr., á þegar rétt til bóta fyrir þá virka daga umfram sex, sem hann hefur verið atvinnulaus á síðustu 18 dögum virkum. Sé um algert og samfelt atvinnuleysi að ræða undanfarna 18 daga virka, má nefndin hefja greiðslu bóta frá og með 16. atvinnuleysisdegi, enda þótt ekki sé fullnægt skilyrðum um 36 atvinnuleysisdaga á síðastliðnum sex mánuðum. Hafi hinn tryggði vinnu eftir að hann öðlast rétt til bóta, skal við ákvörðun þess dagafjölda, sem greiða skal bætur fyrir, draga frá einn atvinnuleysisdag fyrir hverja þrjá daga, sem hann hefur vinnu.

Hafi hinn tryggði samfelld vinnu í 12 daga eða 18 daga af síðustu 24 dögum, fellur réttur hans til bóta niður, og þarf hann þá að fullnægja skilyrðum 6. gr., b-liðs, til þess að öðlast bótarétt að nýju.

Heimilt er nefndinni að fella niður eða stytta biðtíma þeirra, sem notið hafa sjúkra- eða slysadagpeninga og verða atvinnulausir, þegar þær greiðslur falla niður.

Atvinnuleysibætur greiðast ekki fyrir helgidaga og ekki fyrir skemmri tíma en þrjá daga, og engum skal greiða slíkar bætur lengur en fjóra mánuði ár hvert.

9. gr.

Atvinnuleysibætur skulu vera kr. á dag fyrir einhleypan mann, kr. á dag fyrir kvæntan mann og kr. á dag fyrir hvert barn, allt að þremur, yngra en 16 ára, sem er á fullu framfæri bótaþega.

Upphæð bóta má aldrei vera hærri en svo, að þær að meðtöldum tekjum bótaþega nemi 75% af almennu dagvinnukaupi verkamanna í Reykjavík fyrir 8 stunda vinnu, eða kaupi verkakonu, ef um konu er að ræða.

Bótaupphæðir samkvæmt grein þessari eru grunnupphæðir, sem greiða ber verðlagsuppbætur á samkvæmt vísitölu, eftir sömu reglum og greitt er á laun almennra verkamanna í Reykjavík.

Eigi má gera fjárnám eða lögtak í bótafé samkvæmt reglugerð þessari né halda því til greiðslu opinberra gjalda.

10. gr.

Bætur samkvæmt reglugerð þessari greiðast úr sérreikningi eða sérreikningum þeim við atvinnuleysistryggingasjóðinn, sem nefndin úthlutar bótum úr.

11. gr.

Nefndin skal gera vikulega skrá um þá menn, sem hún úrskurðar bætur. Skal á skrá þessari tilgreina, hvernar tegundar bætur eru og hve háar. Sé ágreiningur um úthlutun, skal þess einnig getið í skránni og tilgreina í hverju ágreiningur sé fólgin. Skrá þessa skal nefndin senda umboðsmanni Tryggingastofnunar ríkisins ásamt öðru eintaki bótaumsóknar með tilheyrandi fylgiskjölum. Hafi bótaþega áður verið úrskurðaðar atvinnuleysibætur á sama bótatímabili, skal skránni fylgja úrskurður um framhaldsbætur ásamt framhaldsvottorði vinnumiðlunar.

12. gr.

- A. Þegar úthlutunarnefnd hefur borizt greiðsluskrá Tryggingastofnunar ríkisins ásamt fé til bótagreiðslu, greiðir hún bætur til einstakra bótaþega, gegn kvittun þeirra á skrána. Að loknum bótagreiðslum skal nefndin afhenda Tryggingastofnuninni skrána.
- B. Umboðsmaður Tryggingastofnunar ríkisins í annast greiðslu bóta.

13. gr.

16

Brot gegn reglugerð þessari varða sektum allt að kr. 10 000.00 til atvinnuleysis- 7. febr. tryggingasjóðs, og skal fara með þau að hætti opinberra mála.

Reglugerð þessi, sem samin er af úthlutunarnefndinni, staðfestist hér með samkvæmt lögum nr. 29 7. apríl 1956, um atvinnuleysistryggingar, til þess að öðlast gildi þegar í stað, og birtist til eftirbreytni öllum, sem hlut eiga að máli.

REGLUGERÐ

17

4. febr.

um breyting á reglugerð nr. 181 3. okt. 1953, um hina almennu deild hlutatryggingasjóðs bátaútvegsins.

1. gr.

Töluliðir 7, 8, 9, 10, 26 og 34 í b-lið 3. gr. reglugerðarinnar orðist svo:

7. svæði: Hafnarfjörður.

1. janúar — 15. maí.

1. september — 31. desember.

8. svæði: Reykjavík.

1. janúar — 15. maí.

1. september — 31. desember.

9. svæði: Akranes.

1. janúar — 15. maí.

1. september — 31. desember.

10. svæði: a. Hellissandur.

1. janúar — 15. maí.

b. Rif.

1. janúar — 15. maí.

c. Ólafsvík.

1. janúar — 15. maí.

26. svæði: Dalvík, Hrísey, Árskógsströnd, Grenivík.

1. apríl — 15. desember.

34. svæði: Fáskrúðsfjörður.

1. febrúar — 31. maí.

1. júní — 30. nóvember.

2. gr.

Töluliðir 8 og 10 í c-lið 3. gr. orðist svo:

8. svæði: Reykjavík.

15. febrúar — 11. maí.

1. september — 31. desember.

10. svæði: Hornafjörður.

1. marz — 11. maí.